

皇朝實錄

五十  
七冊

大清世祖體天隆運膺英欽文大德弘功至仁純孝  
章皇帝實錄卷之一百十一

順治十四年八月辛未朔

初戶科給事中于訢疏言凡係嚴疆督撫應察其  
勤敏廉靜者加銜以示鼓舞有詰問所指督撫為  
誰訢以寔無所指回奏

上以其市息溺戕命降三級調冰用

壬申

起致仕太子太保蠡章京敦拜為駐防盛京昂邦  
章京陞阿達哈：番董果爾鄂莫克圖俱為駐防

盛京梅勒章京 遣工部啟心即雷虎督修刘家莊决口 陞內翰林國史院學士王崇簡為吏部右侍郎仍兼原銜

癸酉

命左春坊左庶子曹本榮右春坊右中允宗之純為順天考試官 以阿達哈、番熊古看為戶部理事官 甲戌大學士金之俊請假還葬得旨覽卿奏情詞懇切但机務殷繁方資治理着勉由供職不必遽以假請 諭禮部曰誕筵大典理當早奉向曰文華殿未建有旨暫緩今思稽古典學有

闕治道難以再遲應于保和殿先行開講爾部即詳攷典例擇吉具儀來奏 以擊敗廣東賊寇功陞一等阿思哈、番兼一拖沙喇哈番班第思哈巴為三等精奇尼哈番

乙亥

巡抚山東都察院右付都御史耿燾考滿加兵部右侍郎廕一子入監讀書 先是兵部覈浙閩提督李率恭疏言勦芝龍一日不殺成功之心一日不死群逆之意亦不決恐中奸謀貽禍沿海請勅刑部將芝龍併伊弟芝豹子盡忘世恩世廕世默

等俱就寧固塔正法妻妾人等入官疏入命設政  
王貝勒大臣會議續諸王等議如部擬詔復令另  
議至是擬寧固塔地近江海成功賊船有水之地  
無所不至芝龍禁彼恐有疎虞應各用鉄練三條  
手足相鍊令章京炭加看守從之

丙子

巡撫寧夏都察院右僉都御史黃圖安考滿加右  
付都御史廕一子入監讀書

丁丑

遣大學士覺羅巴哈納祭

先師孔子 降補原任江西嶺北道付使史燧為  
浙江按察司僉事久巡嘉湖兵備道 增設兵部  
督捕衙門滿洲額者庫二員 提督川陝兵部尚  
書兼都察院右付都御史馬之先卒

戊寅 祭

大社

大稷 遣官祭內大臣二等精奇尼哈番覺羅塞勒  
謚勤敏愨立碑 禮部遵旨議其經筵儀注得旨  
經筵講期每年春秋舉行二次這所具儀節太繁  
于講學無益着另議具奏

乙卯

太宗文皇帝忌辰遣官祭昭陵

庚辰

旌表浙江寧波府鄞縣孝子生員范洪震給銀建坊如例

辛巳

太祖武皇帝忌辰遣官祭

福陵 禮部覆徧沅巡撫袁廟宇疏言衡陽石鼓書院崇祀漢臣朱諸葛亮及唐宋臣韓愈朱熹等諸

賢聚諸生講學其中延及元明不廢誠盛事也值明末兵火傾圮祀典湮墜今撫臣袁廟宇倡率捐修表章前賢興起後學所請祀典應察旧例照常致祭從之

壬午

陞詹事府詹事楊運昌為內翰林國史院學士叙平定廣東功陞平南靖南二王下總兵下二等阿思哈：番連德成徐成功乃為一等阿思哈：番兼一拖沙喇哈番一等阿思哈：番兼一拖沙喇哈番計爾顯為二等精奇尼哈番三等阿思哈

哈番吳進功為一等阿思哈；番蘇章京一等阿  
思哈；番呂應學為一等精奇尼哈番梅勒章京  
三等阿思哈；番曹仁先為二等阿思哈；番二  
等阿達哈；番齊天祚馮元龍俱為一等阿達哈  
哈番三等阿達哈；番祖自昌孫介宗列秉光俱  
為二等阿達哈；番授署擺牙喇甲喇章京列固  
宝署噶布什賢章京董一奇署甲喇章京尚奇成  
聶應奎牛录章京崔成科列可立吳廷貴署章京  
賈振鸞遊擊盛登科守備張光祖俱為拜他喇布  
勒番牛录章京拜他喇布勒哈番郭茂威拜他喇

布勒哈番高敏性拖沙喇哈番牛冲雲甲喇章京  
宜明擺牙喇甲喇章京徐有才白如松張文升馬  
登雲李天培頭有進張奇顯噶布什賢章京蔣圖  
能張懷遠靳虎朱朝廷朱懷德甲喇章京一等阿達  
哈；番張承勳田雲龍署甲喇章京馬周遇尚奇  
功牛录章京列成德張雲斌成功列成業李思明  
李仲科署章京陳周亮謝茂功方我榮李自高王  
武海祐李自宏徐有芳尚有成周朝英吳守德高  
顯登于俊德張宝王莽漢王之思陳應瑞屈永貴  
王去周李逢奎洪承仁姚九功王固棟崔相新張

官祿汝祖亮法一丹哈耆徐大申鄭國文遊擊白  
萬舉守倫列文煥各加一拖沙喇耆哈以登城功  
授署章京湯有功為三等阿達哈耆壯大雷有  
倉白文趙文芳俱為拜他喇布勒哈耆兼一拖沙  
喇哈耆賜巴高魯名壯大郭有才徐朝用久得格  
什庫列貴白人張奎俱為拖沙喇哈耆加贈故總  
兵三等阿思哈耆班秋福為二等阿思哈耆  
以其子隆盛梅勒章京三等阿思哈耆蔣定國  
為一等阿思哈耆以其子元勳轟章京工等阿  
達哈耆耆尚可轉為一等阿達哈耆耆兼一拖沙  
喇哈耆以其子之智一等阿達哈耆耆李光進為  
一等阿達哈耆耆兼一拖沙喇哈耆以其弟光宗  
三等阿達哈耆耆塞隨為二等阿達哈耆耆以其  
弟之子應運各襲職

癸未

陞陝西左布政使孫建宗為太僕寺卿閩西道叅  
政吳允謙為太僕寺少卿直隸大名道付使晉淑  
軾為順天府丞陞江西右布政使秦加兆為  
本省布政使司左布政使陝西寧道余事曹叶  
卜為本省布政司使叅議久守閩南道刑部左

侍郎楊義請假省親允之 遣官致祭鎮國公馬  
山造坟立碑如例 裁廣東、兗、臨、白、沙、三水縣  
橫石西南樂昌縣黃圃英德縣清溪合光始興縣  
黃塘恩平縣恩平鎮平縣藍坊海豐縣長沙港甲  
子門各巡檢司巡檢 遣官致祭阿思哈、番阿  
穆虎即

甲申

以致仕一寺阿思哈、番兼一拖沙伶一鵬子化  
光嚴飛 諭吏部曰翰林院讀書滿洲蒙古庶吉  
士着照常錄用

乙酉

諭內院曰史大成寺教習教習滿漢文字屢經朕  
親加考試今不能通曉俱應由內三院用除史大  
成戴王綸秦鈺已授修撰編修外王澤弘列芳蜀  
田逢吉丘象升馮源濟曹申吉沈去奕胡簡敬俱  
着授編修綦汝楫田種玉劬鍾麟陳凱永党以讓  
秦松齡項景襄范廷魁俱着授檢討爾銜門即傳  
諭吏部遵行 兵部左侍郎原毓宗考滿加秩一  
級廕一子入監讀書

丙戌 夕

月於西郊遣公額尔克代青行礼 贈山西臨川  
縣殉難知縣李向禹為本省按察司僉事廕一子  
入監讀書祭瘞如例 直隸巡撫董天札疏報安  
霸涿晉寶坻武清新安蠡新城東安永清保定文  
安固安玉田樂亭行唐寧晉新樂各州縣五六兩  
月霪雨大水漂沒男婦三十四口衝壞民舍甚衆  
下所司知之

戊子

定考核各官卹刑例全准無駁者紀錄不及一  
者免訛數一及一以上者罰俸六個月二

及二及三以上者罰俸一年三及三以上者  
降一級仍留本衙門用四及四以上者降一  
級調外用五分及五分以上者革職

己丑

轉刑部右侍郎杜立德為本部侍左郎升宗人府  
府丞李藻為刑部右侍郎 免山西荒地逃丁徭  
賦 賜和碩簡親王濟度 和碩顯親王福壽馬各  
四百匹多羅信郡王多尼多羅安郡王岳樂馬各  
三百五十匹多羅貝勒察尼善馬藍馬各一百五  
十匹固山貝子溫齊碩再馮洪富喇塔張泰佛克

齊庫特爾祐吞齊哈馬各一百匹必保兼太子太保和碩額駙吳應龍等必保兼太子太保內大臣公額爾克代青等馬各三十匹內大臣伯索尼等馬各二十五匹侯固山額真墨勒根蝦等大學士覺羅巴哈納尚書明安達禮等精奇尼哈雷梅勒章京侍郎學士阿思哈、啟心等甲喇章京及二等下等儀衛官馬各有差

庚寅

宴四子部落達爾漢郡王進貢使臣宜他爾台吉等於禮部

二辛卯

宴喀爾喀部落額爾克寨桑諾顏進貢使臣額爾袞等於禮部 內大臣伯索尼等言遵諭察審刑獄有正法殺犯劉有福妻朱氏係故明恭昌帝女應免入官交禮部與明朝妃嬪一體贍養從之 遣官祭烏朱穆秦部落車臣親王察漢巴拜 禮部言朝鮮國使臣李滄金南重等違禁買硝事關重大原應照欽遣大學士額色黑等同該國王審擬治罪但係赦前其下役金立等既已免死滄等亦應免罪以布

皇仁從之

壬辰

禮部再疏開列經筵儀注于開講前期

皇上親詣弘德殿行致祭

先師孔子之禮其祭品儀節應照本年題定弘德殿祭儀祝文應行內院撰擬講官應听內院酌定員數題用經書講章應令講官撰送內院酌量改定預期恭進

御覽于開講之日內院滿漢大學士六部滿漢尚書都通大堂上滿漢官各一員俱穿鮮明衣服詣保

和殿丹墀侍班滿漢科臣每科各一員御史二員侍儀

皇上書案講官講案令禮部鴻臚寺預先陳設御覽之書及講官所講之書應令內院官預設各案以上陳設畢禮部堂上官及鴻臚寺各官奏陳設畢

皇上御殿陞座鴻臚寺鳴贊官贊侍班各官行兩跪六叩頭禮入殿內于兩傍各照次序侍立其儀科道官立于殿內兩傍相向鴻臚寺鳴贊官贊進講講官各自原班出進至講案前行一跪三叩頭禮

近案前立先講四書畢次講經官講經以序講畢  
退立于原班同衆官出至丹墀下兩傍排班鳴贊  
官贊行兩跪六叩頭禮仍前侍立禮部堂上各官  
及鴻臚寺各官奏講禮畢

皇上還宮衆官出至物和門喫息宴訖又于太和門  
外金水橋內謝恩宴行一跪三叩頭各回以上恩  
宴仍照旧例令光祿寺備辦可也再照旧例筵筵  
預期除展禮

先師孔子冰告祭

奉先殿今

奉先殿未經告成故告

奉先殿一事臣等前疏未入應俟

奉先殿告成奉行祭禮後再次開講仍照例告祭

奉先殿可也得旨是經筵着于九月初七日奉行

癸巳

授荐舉故明進士陳台孫為戶科給事中

甲午

以牛秉章京祝鍾靈為工部理事官 陞工科右  
給事中梁銓為本科左給事中柯聳為吏科右給  
事中 陞山東右布政使陳曠為陝西布政使司

左布政使四川按察司白秉貞為江南布政使司  
右布政使山東登萊道付使余應魁為陝西布政  
司叅政公守關西道刑部郎中王度為河南按察  
司付使大名道補服闋原任陝西與化道余事郭  
之培為本省按察司僉事寧夏道

乙未

遣公額爾代青祭

歷代帝王 遣官祭城隍之神 江西督糧道高  
顯光坐所轄各弁道又漕糧數多草賊

丙申

海寇鄭成功犯浙江台州府久州道蔡瓊枝  
副將李必及府縣等官俱降賊

丁酉

上發帑銀四萬兩賞給八旗貧丁 以內翰林弘文  
院侍讀學士圖爾特為都察院戡心郎

戊戌

朝鮮國王李滉遣使表謝免罪附貢方物宴賚如  
例總督蔡士英引疾乞休允回京調理病痊起用  
仍賜藥物

九月庚子朔

補服闋湖史上官鉉為湖廣道監察御史

辛丑

諭吏部曰漕運總督關係重大舊督今以病請料  
理不可無人元得旨着陞兵部尚書都察院右付  
都御史總督漕運巡撫鳳陽等處地方海防軍務  
兼理糧餉寫敕與他 又諭吏部曰陝川總督責  
任重大必得其人方能勝任李國英久任煖疆才  
猷夙著着加少保兼太子太保兵部尚書兼都察  
院右付都御史總督陝西四川三邊等處軍務兼  
理糧餉寫敕與他

癸卯

內大臣三寺伯口一級管牛录鄂碩卒

甲辰

命內翰林弘文院學士麻勒吉布顏王熙國史院  
學士折庫納察不害蘓納海秘書秋書秋學士常鼐白  
色純胡兆龍李爵秘書院侍讀學士巴海馮溥弘  
文院侍講方懸成左春坊左庶子曹本榮禮部尚  
書胡世安兵部尚書梁清標充經筵講官

丙午

上初御經筵

遣通政司副理事官王秉衡巡按蘓

松兵部主事王廣心巡視京通二倉戶部侍郎竇  
遼奇巡視漕運西城理學官王來任巡視陝西茶  
馬各授監察御史銜 陞太常寺卿亦徵與為宗  
人府之丞 改工部右侍郎賈漢復為兵部左侍  
郎兼都察院右付都御史巡撫河南提督軍務  
輔國公翁古卒謚懷思

丁未

裁陝西潼關衛經歷知事 河南祥符縣槐疙疸  
陳留縣孟家埠決口工成 陞正黃旗三寺蝦聶  
克塞為擺牙喇甲喇章京

戊申

陞陝西按察司袁一相為山東布政使司右布政  
使陝西首糧道奉政李棠馥為四川按察使司按  
察使浙江寧紹台道叅議朱虛為陝西按察司付  
付使肅州兵備道山西口北道叅議朱廷璟為山  
西按察司付使分巡登萊道補外轉工科都給事  
中孫亮為山東按察司付使西寧道原任湖廣布  
政使司叅議分守上湖南道彭而澤以原銜管分  
巡上湖南道付使事

巳酉

陞內翰林弘文院侍讀岳思泰為本院侍讀學士  
陞拜他喇布勒哈番黃龍為刑部理事官

庚戌

陞詹事府少詹事沙澄為詹事兼內翰林秘書院  
侍讀學士 叙復舟山功進一等伯兼一拖沙喇  
哈番固山山額真宜爾德為一等侯兼一拖沙喇  
哈番三等伯燾章京車爾劄為一等伯兼一拖沙  
喇哈番二等精奇尼哈番哈岱為一等精奇尼哈  
番二等阿思哈、番梅勒章京吳喇禪為一等阿  
思哈、番兼一拖沙喇哈番三等阿思哈、番署

梅勒章京根泰為一等阿思哈、番三等阿思哈  
、番梅勒章京徐大貴三等阿思哈、番羅託俱  
為二等阿思哈、番一等阿達哈、番梅勒章京  
柯永泰一等阿達哈、番兼一拖沙勒哈番滿都  
俱為三等阿思哈、番二等阿達哈、番波羅對  
撒木贊喇齊沙爾唐伊爾特赤錫三初成古班第  
蘓穆固克世固俱為一等阿達哈、番三等阿達  
哈、番耶拜沃赤阿玉錫岳甘拜庫大查爾海拜  
色安注湖阿布賴查納覺羅多爾机牛录章京趙  
元弼拜他喇布勒哈番兼一拖沙喇哈番梅勒章

京古祿固科魁俱為二等阿達哈、者拜他喇布  
勒哈番兼一拖沙喇哈番蓋四海舒書桓達理沙  
納哈巴番魯拜他喇布勒哈番陳布魯翁愛俱為  
三等阿達哈、者一等阿達哈、者衛赫德郭邁  
獲伯阿積達得稜格拜他喇布勒哈番愛音布功  
額科爾對格善圖哈土伊思哈布索羅希谷爾華  
善喬拉我深巴圖魯納哈泰舒書博多禮党固禮  
俱加一拖沙喇哈番拖沙喇哈番顧英為拜他喇  
布番兼一拖沙喇哈番祖澤淳署蠹章京年達署  
甲喇章京拜哈爾拖沙喇哈番梅哈圖牛录章京

李午拖沙喇哈番牛录章京陳春忠俱為拜他喇  
布勒章京署蠹章京擺牙喇甲喇章京對親圖恭  
慎化善察馬沙洪專他穆成格察哈代滿杜署甲  
喇甲章京散績奉彝根克什圖叟塞奉必高舒魯  
爾克什布雷海色馬喇勞童拜雅掠吳山奉重武  
爾代亥子尼雅漢署章京朱徹黑伊爾巴塔永衛  
噶爾馬來亥拜海來嫩對碩邦吳爾德克詹納喇  
邁金有明克特叟塞色根武達納署夸蘭大海魯  
洪庫克德白器車爾獲達喇西牛录章京陳萬元  
拖沙喇哈番品級王永清尼馬齊額爾績恭彝喇

張太久得撰什庫黃珠魯古塞郭朝豐聶路肯俱  
為拖沙喇哈者 贈陳止三等阿達哈、者海爾  
布為二等阿達哈、者以其子揚古代署章京傳  
那為拜他喇布勒哈者以其弟之子拔拜署擺牙  
喇甲喇章京撒克西為拖沙喇哈者以其子沙里  
署章京巴爾哈為拖沙喇哈者以其叔之子努代  
久得撰什庫噶穆爾為拖沙喇哈者以其子龍華  
壯大博林為拖沙喇哈者以其兄獲赤署壯大叟  
思為拖沙喇哈者以其子達喜各襲賤壯大巴拜  
署壯大昂阿孟葵俱為拖沙喇哈者陞跳缸小撰  
什庫布爾阿其沙畢俱為拜他喇布勒哈者署章  
京李毅共來達勒克塞支毅俱為拖沙喇哈者  
遣官諭祭翁牛忒部落二等台吉博托和耶爾羅  
斯部落三等台吉敦多布

士子

降補內弘文院侍講姜元衡為內翰林弘文院編  
修 授廣吉士王澤弘丘象升沈五奕俱為內翰  
林秘書院編脩列芳燭胡簡敬馮源濟俱為內翰  
林弘文院編修田逢吉曹申吉俱為內翰林國史  
院編修綦汝楫陳鼓永俱為翰林秘書院檢討

田種玉党以讓項景襄俱為內翰林弘文院檢討  
節種麟秦松齡范廷魁俱為內翰林國史院檢討  
陞真定副馬關都司僉書孫學禮為大寧掌印  
都司山西行巡捕都司僉書蕭時昇為廣東掌印  
都司山海臺頭營都司僉書黃騰蛟為浙江掌印  
都司

癸丑

諭吏部曰高民瞻前差巡按四川又知地方事宜  
着陞都察院右付都御史巡抚四川等處提督軍  
務寫勅与他 諭刑部曰上年在京及畿內獄犯

曾經暫停秋決外省未及停止茲念內外刑辟宜  
同一視今年各省秋決亦着暫停一次其在京獄  
其朝審完日照例奏請至畿內獄犯前曾遣三法  
司堂官審錄今思三法思堂官總理天下刑名朝  
審大典應令公同料理以後不必差遣着照旧例  
差司官一員會同該按審錄仍先行奏請定奪尔  
部作速遵行

乙卯

以修葺金太祖世宗陵工竣遣官致祭

丙辰

陞浙江溫處道叅議杜爽為河南按察使司付使  
通密兵備道工部郎中李洽為河南按察司僉事  
淮徐兵備道 隆補浙江金衢道付使張元璘為  
陝西布政使司左叅議久守河西道 賜內大臣  
三寺伯鄂碩祭二次謚剛毅立碑禮部議鄂碩為  
皇貴妃父查明時有昭妃父劉應節病故加給造  
瘞東宮良妃父王學禮給墳地安瘞之例鄂碩應  
昭內伯例致祭外加祭一次故祭二次

丁巳

以故拜他喇布勒哈番陳棣蕭子鎮遠襲職

庚申

予總督川陝兵部尚書兼都察院右付都御史馬  
之先祭葬如例

辛酉

諭兵部曰提南贛抚臣佟國器疏稱保昌縣知縣  
白可大回銜邑艱煩屢受使臣凌辱又為派征西  
船隻糧料等項支吾無術憂激自刎向因各省驛  
遞有差使勒索等弊已屢旨禁飭近見州縣官有  
自盡者動稱為此苦累或寔緣錢糧不足供應不  
能及額或妄係差使額外勒索肆行凌逼如此情

由皆當詳察真實作何恊濟清釐以絕弊竇作何  
戾行禁治以垂永久尔部即會同各該衙門詳確  
議奏疏內又云有司疲于奔命勒索之人何故事前不即指  
之冰幾無長策即知勒索之人何故事前不即指  
恭惟于縣官自盡之後空言入告殊不合理以後  
各省有此苛虐與該省抚按朦朧徇庇不行明白  
指奉者應如何處分看一併議奏

壬戌

廕故大學士宗權子忻為中書舍人 陞兵科左  
給事中劉鴻儒為戶科都給事中刑科左給事中

史彪為工科都給事中

癸亥

諭禮部曰日講之典已於十二年四月內奉行後  
因文華殿未建暫行停止今思講學要務不可復  
遲茲欲於十月內奉行開講先期應于弘德殿祭  
告尔部即奉吉來奏

甲子

陞廣東嶺西道參政李皓為陝西按察使司按察  
使廣東巡海道付使徐烜為陝西布政司左叅議  
督糧道補外轉福建道御史李登第為浙江布政

使司叅議久守寧紹台道台道原任西陝隴右道  
叅議服闋李嵩陽為浙江布政使司叅議久守溫  
處道 遣官祭烏朱穆秦部落車臣親王察漢巴  
拜 遣官祭內大臣二寺阿思哈、耆鄂齊爾蓋  
勤恪勒碑

乙丑

諭兵部曰提督種松等處總兵官馬進寶着改名  
逢知

丙寅

孝慈式皇后忌辰遣官祭

福陵 陞兵科給事中全漢鼎為禮科右給事中刑  
科給事中雷一龍為工科右給事中 固山額真  
屠賴等奏報官兵克復福建閩安鎮投誠大小官  
員一百餘獲器械印記甚多下所司叙叙

丁卯 戊刻地震有声

戊辰

諭禮部曰自古變不虛生皆由人事昨日入夜地  
震有声朕不勝悚慄目思朕即位十有四載親政  
已歷七載雖夙夜憂勤勉為治理但万机至繁玩  
日愒月以至怠荒政事有乖民生未遂以致災譴

見告用示儆戒朕今痛加修省尔文武大小臣工俱當洗滌肺腸力改前非恟心尽職務求弥消灾異若仍蹈往轍天譴罔法其存何由可逭此後朕躬或有缺失朕行或有錯謬着内院輔臣據實陳奏毋得隱諱尔部即傳諭遵行

已巳

諭吏部曰戶禮兵工四部錢糧完欠分數應察核清楚至於照例處分原局尔部職掌以後各部開列完欠處具奏其處分輕重仍尔部照旧例議要若查核分數差錯責在各部若處分輕重不合

責在尔部

又諭吏部曰提督巡撫責任不同巡撫尚制一省凡刑名錢穀民情吏治皆其職掌至于提督酌量地方特設總理軍務節制撫鎮文武諸臣一切戰守机宜調遣兵馬重大事務當尽心籌畫更令盡行兼理刑名錢穀等細事不特精力難周且致彼此推諉耽延時日何以專任責成着九卿詹事科道會議分別地方難易事件大小或酌令兼理或崇責抚臣務求確當詳悉具奏尔部毋以朕言為浮談

諭戶部曰鼓鑄之法原以裕國便民今在京寶泉局冰各省開爐太多鑄錢不精以致奸民乘機盜鑄錢愈多愈賤私錢公行官錢壅滯官民兩受其弊欲使錢法無弊再四思維莫若鼓鑄歸一各省鑄鑪當一概停止獨令寶泉局鼓鑄務比舊錢體質稍加潤厚磨鑿精工仍兼用滿漢字俾私鑄難於偽作其見行之錢姑准暫行三年以後止用新鑄制錢盡行銷燬着議改玉貝勒大臣九卿詹事科道會議具奏

卷一百三十一

大清世祖體天隆運英睿欽文大德弘功至仁純孝章皇帝實錄卷之一百十二

順治十四年冬十月庚午朔 享

太廟 頒旨憲曆 諭吏部曰錢糧係軍國急務有司考成自不容寬但近來叅處拖欠降調紛紜新舊交代反誤催徵官雖屢更拖欠如故以後因錢糧拖欠降調各官俱着降在任督催完日開復又諭吏部曰提督巡抚皆封疆重臣事務殷繁近來欵件驟立限期屢有叅罰未免急于抹過草率完結且使督抚以簿書細務多被叅處亦非朝廷

倚任重臣以後欵件有緊要重大者仍與立限其餘俱着該督抚酌量緩急奏結但不許任意耽延致有廢事若遲至一年者該部察參處治 順天府奉行鄉飲酒禮 都察院左都御史章既管事魏裔介以地震陳言畧曰從來變不虛生實由人事消弭之術所宜亟講一在加意農事今閩粵亢旱浙東被水若追呼敲朴不已是駭之為寇請敕部飛檄傳徵然後清察被災分教蠲免更寬有司之考成庶得加意存恤至八旗地分疊遇水潦皆因隄防償決宜及時修築以冀有年一在嚴飭邊

防甘肅寧夏口外朔落口內回番來享來王者請勅邊陲待以恩信堅其効順之心浙江沿海一帶戍守單弱者宜增兵分汛以備戢守不然地方有事勢必請發禁旅其費且十倍于添兵矣一在責在總督、臣之設原為勦寇若刑名錢穀臬司之抚按覈之足矣請自今督臣責以專意辦賊不効則治其罪庶几寇氛平靖有日也一在節省物力今天下奢侈成風凡衣服居室甲仗鞍馬嫁娶喪瘞祀祭之費俱窮極華靡不惟貴賤無分抑且未作日多以致上下虛耗宜一概示之以儉凡奇技

新製盡行禁止光祿錢糧宜仍設巡視官員察覈  
戶工兩部天下財賦提司自當為國家樽節愛養  
歲終會計勿使入不敷出庶用度豐足物阜民安  
矣章下所司

辛未

陞編修白熙為內翰林弘文院侍讀趙之彪為  
內翰林國史院侍讀 兵部寺衙門遵諭會議駁  
違若累扣勒需索弊竇多端恊濟錢糧有名無實  
請勅各督撫按彙行申飭以獲官民倘如仍前朦  
朧徇庇不行明白指叅者即將該督撫按分別情

罪輕重彙加議處從之

壬申

以開講日祭告

先師孔子于弘德殿 免直隸新樂縣十三年蝗

災額賦

癸酉

命固山額真趙布泰梅勒章京莽吉圖傳喀寺統  
領官兵駐防江寧 以故二寺阿思哈、番鄂齊  
爾子旦岑一寺阿達哈、番撤本賽子保定一寺  
阿達哈、番我得子摩爾宏各罷職 以故拖沙

喇哈沃恭朕併与子三寺阿達哈、番塞黑授為  
二寺阿達哈、番

甲戌

大學士管吏部尚書事王永吉曰災異上言天人  
相感其理甚微欲消災異必修政事缺失欲修政  
事缺失必求諫諍直言夫官居言路敷奏曰其職  
掌即百職諸司感事憂時豈無得之見况求之使  
言誰不能言近直言者極少何哉揆厥所由皆生  
于不敢而其所以不敢之故不通曰禍福利害橫  
于前誅殛放流迫于後耳功名念重則報主心輕

凡犯人主之疑忌者悉皆隱忍不言雖誤國負恩  
罪在臣下而自古帝王所言不察曰而自誤者亦  
不少矣今地震京師

皇衷怵惕行將下詔求言臣思

皇上親政之後求言已非一次今既再求亦不過如  
往日各其條陳耳不除瞻顧忌諱之根恐直言敢  
諫之氣終未敢鼓也臣愚以為凡從前曰言獲罪  
諸臣宜查取原疏恭進

御覽萬机之暇詳加省閱果有議論剴切詞意抗爽  
或上閱

君德或下裨民生外而籌畫封疆安危內而持陳政  
事得尖案其立言之指既無他意即中多激蕙三  
必曲為寬恕斷自

宸衷表章一二止者錄其子孫存者量與昭雪將見  
士氣激昂必有直言敢諫以付

皇上求言弭變之盛心者矣章下所司 王永吉又  
以地震其疏引咎得旨次示警大小臣工自當宴  
盥修省矧不必引咎

乙亥

諭吏部曰向來屢次考選俱行取俸深經荐有司

其乙未科進士外任各員因資俸在後行取未  
及今着于乙未科進士推官知縣內察詳羊力  
精壯能修職業者行取來京朕親加考選酌用  
爾部即遵諭行 授行取山西夏縣知縣遲日  
選為雲南道試察監御史直隸任縣知縣趙祥  
呈為福建道試監察御史

丙子

皇第四子生 陞山西并陘道付使陳安國為江  
西布政使司叅政督糧道廣東嶺東道付使魏執  
中為本省布政使司叅政久守嶺西道山東：充

道叅議范承祖為廣東按察司付使巡海道江西  
南昌道龔事安壺為山西布政使司叅政口北  
道諭戶部曰朕惟帝王臨湖天下必以國計民  
生為首務故禹貢則讓定賦周官休養生息至  
倫也當明之初取民有制休養生息至萬曆年間  
海內殷富家激人足及乎天啟崇禎之壺日共增  
餉加派繁興貪吏緣以為奸民不堪命國祚隨之  
良足深鑒朕荷

上天付託之重為民生主一夫不獲亦朕朕懷凡服  
御膳羞深自酌損然而

上帝

祖宗百神之祀軍旅饗燕犒錫之繁以及百官庶役  
蠶廩之給罔不取之民間誠恐有司額外加派豪  
蠹侵澳中飽民生先困國計何資茲特命爾右侍  
郎王弘祚將各直省每年額定徵收起存總撤實  
數編撰成帙詳稽往牘叅酌時宜凡有參差遺漏  
悉行駁正錢糧則例俱照萬曆年間其天啟崇禎  
時加增及行蠲免地丁則開原額若干除荒若干  
原額以萬曆刊書為準除荒以覆奉俞旨為憑地  
丁清核次開實徵又次開起存起運者節寺倉口

種之分晰存由者款項細教事：條明至若九釐銀舊書未載者今已增入宗祿銀昔為存由者今為起運漕白二糧確依旧額運丁行月火令均平胖秋廬甲昔昔解本色今俱改為南糧本折昔留南用今抵軍需官員經費定有新制會議裁冗改歸正項本色絹布顏料銀硃銅錫茶蠟等項已改折者照督抚題定價值開列解本色者照刊書價值造入每年督抚確察時值題明填入考知單內照教辦解更有昔未解而今宜增者有昔太冗而今宜裁者俱細加清核條貫井然後有續地畝錢

糧督抚按彙題造冊報部以憑稽核綱牽目張勒成一編名曰賦役全書頒布天下庶使小民遵茲令式便于輸將官吏奉此章程罔敢苛歛為一代之良法垂万世之成規雖然此其大畧也若夫催科之中寓以抚字廣招徠之法杜欺隱之奸則守令之責也正已率屬承流宣化覈出納之數慎邪移之教則布政司之責奉廉懲貪與利除害課殿最于荒墾昭激揚于完欠恪遵成法以無負朕豎罔裕民之意則督抚之責有特重焉其敬承之毋忽

丁丑

諭兵部曰近來有司各官多因驛遞冲繁情急自  
盡殊為可憫致此之由或因恊濟錢糧不肯按期  
照數交解或因兵馬經過供應糧料等項原許動  
支正項錢糧事後司府違旨抑勒不与消筭或因  
糧單勘合火牌之外官吏橫加勒索窘辱不堪種  
、情弊深可痛恨以後各該督撫按察行察飭其  
恊濟銀兩務令如期解足如有遲延拖欠者許指  
名奏其經過兵馬動支正項錢糧事完即與轉  
報開銷如司府官有抑勒等弊指名奏處其糧單

勘合火牌等項止許照數支應有額外勒索凌辱  
者該官及差役即立行指名奏若該督撫按察  
隴隱徇不將前項情弊據實察報被科道官奏  
及別有奏覺即將該督撫按久別情罪輕重嚴加  
處治爾部傳諭各省督撫按遵行仍刊刻轉行各  
該局司府州縣曉通諭知

庚辰

遣內翰林秘書院侍讀進伯龍提督順天府學政  
以故一寺阿達哈、番盧光祖、奇子拜他喇布  
勒哈番兼一拖沙喇哈番納哈泰子巴達克各襲

襲職

辛巳

上幸南苑

壬午

贈故內大臣三寺伯鄂碩為侯吏部言定例凡滿洲蒙古烏真超哈二品以上官三年任滿勤事以死事俱准贈廕鄂碩乃

皇貴妃父與題定則例不同按明恩澤封爵考載宣德初孫忠女配宣宗陞都督府食封會昌伯後忠卒贈侯今鄂碩雖在任未滿三年既與孫忠例

合應追為侯從之

癸未

上幸晾鷹臺命內大臣下及擺牙喇環甲較射各部院三品以上漢官及翰林科道從觀 陞湖廣沔陽州知州宣文衡為本省按察司僉事久巡湖北道

甲申

陞侍讀學士程芳朝為詹事府少詹事兼內翰林國史院侍讀學士

乙酉

上於南苑躬擐甲胄集部院三品以上漢官及翰林  
科道閱武命內大臣及蝦員擐甲馳馬過

上前二人墜馬

上策馬至其所命扶起問之曰無傷乎願謂諸臣曰  
墜馬之人幸無恙也諸臣頓首對曰臣等竊聞仁  
為勇之本不可徒勇而無仁今

皇上集諸臣蝦員嫺習武事見墜馬者親為慰問誠  
仁德之

主也

皇恩如此孰不捐軀圖報

上曰命諸臣序立諭之曰朕羊來屢誠飭科道各官  
據實陳奏以廣言路乃不行誠建謨或報私仇或  
受囑託或以不應行細事預陳塞責徒巧飾言詞  
於國家政事有何裨補今部院衙門弊端及諸臣  
行事朕尚有所聞見爾等宜改前非恪盡乃職若  
仍蹈前轍決不爾貸又諭諸臣曰爾等不思朝廷  
擢用之恩留心部務以爲報効乃仍徇庇爲奸竟  
無底止此豈人臣之誼嗣後宜痛改前行効爲効  
力更宜自愛身名况父母生育爾等時何等欣悅  
期望若茲休父母之意即所以報朕恩無本爾親

矣倘違父母之初心恣意妄行則非人類矣凡人  
妄行非久無謂人不及知為之無害幽隱之中尤  
宜勤自省治至于各官一蒙擢用並當兢業  
思所以報答主恩何如殫盡職業乃為善類若終  
獲陞迁便揚自得毫無敬畏便是小人朕惟嘉  
盡職之人惡虛言之輩前因地震王永吉具疏誌  
罪是何道理朕前諭深揚勵兼命諸臣共加修  
省永吉即宜實加修省及虛飾其疏譏罪若云其  
云其疏即為修省不具疏即不為修省是修省只  
永吉一人諸臣俱不然矣似此徒博虛名何如盡

心實事耶魏裔介不為給事中時杜立德已任都  
給事後擢居風憲立德尚在科員曰爾為給事中  
時建言可現故越衆起遷遂至左都御史朕局望  
之意非同泛爾曾陳何嘉謨以付朕懷更定何  
事以益朕躬又諭諸臣曰朕此旨非欲罪爾等之  
意特開示朕懷冀爾等改行易慮天誠劾刀欲各  
為良臣也今後若復違意罔法其在決不貸諸  
臣頓首謝曰臣等唯謹遵  
聖諭洗心滌慮勉罔報劾而已

丁亥

諭工部曰文廟崇祀

先師孔子所闕典禮甚重今年久傾圮若不作速整理後漸頽壞葺治愈艱因爾部錢糧匱乏所需工料未經措辦朕發內帑銀三萬兩特加修葺諸王貝勒大臣及在京滿漢官員願捐資者許各協助爾部即遵諭傳知陞直隸保定府知府蔣信辰為山西按察司付使并陞道陝西延安府知府李士禎為廣東按察司付使久巡嶺東道陝西陝西道余事黃鼎象為江南布政司使叅議江北督糧道山西寧武道余事潘起先為山東布政使司

戊子

左叅議久守東充道戶部郎中胡鴻猷為江西按察司余事久巡南瑞道

上自南苑還宮轉戶科右給事中王命岳為兵科左給事中刑科右給事中任克溥為本科左給事中

巳丑

吏部考功司主事劉祚遠臣奉命典試陝西行至潼關有布政司人役孟經魁開說生員崔爾裁高巍然王溥各出千金希圖賄買舉人臣即時鎖拿

發提學道審擬伏乞勅下巡按御史彙提究擬以  
正法紀疏入詔刑部差員後掣解來京從重擬罪  
賜殉難展常提兵官徐勇祠名忠節 宴阿霸  
亥卓礼克圖郡王喀尔喀部落土謝圖汗車臣汗  
進貢使臣布達習希布蘇班達喇寺于礼部賞賚  
如例

庚寅

命都督僉事蘓州提兵官梁化鳳為都督同知統  
率抽調各營兵一萬名改為水師仍駐防崇明兩  
物設付將二員各統水師二千名駐防吳淞遊擊

六員各統水師一千名久伯崇明各沙專局水師  
提共梁化鳳統轄提督提兵馬達知專管陸師裁  
蘓州提兵官缺從提督即廷佐請也

辛卯

朝鮮國王李滉遣太監趙希孟寺進鷹宴賚如例

癸巳

發內帑銀二萬兩給出征福建湖廣兵丁匠役家  
口

甲午

先是刑科右給事中任克溥上言鄉試大典慎選

考官無非欲慎公慎守登進真才北闈榜放後途  
謠巷議嘖有繁言臣聞中式舉人陸其賢用銀三  
千兩同科臣陸貽吉送考官李振勳張我朴賄買  
得中北闈之弊不止一事此輩弁髦國法褻視名  
器通同賄賣惡不畏死伏乞

皇上大集群臣公會訊則奸弊出而國法伸矣事  
下吏部察院矣訊得實奏聞得旨貪婪壞法屢有  
矣諭禁謗科場為取士大典關係最重况輦轂近  
地係各省現瞻豈可恣意墨貪行私這所審受賄  
用賄過付種、的確可謂大胆目無三尺君不重

加處治何以懲誠將來李振勳張我朴蔡元禧陸  
貽吉項紹芳舉人田紹勳作霖俱着立斬家產籍  
沒父母兄弟俱流徙尚陽堡主考官曹本榮宗之  
繩着議處其奏

已未 以

昭事殿

奉先殿成遣官祭司殿司門之神

丁酉

遣官諭祭烏朱穆秦部落二寺台吉勒思哈爾三  
寺台吉和多和沁 陸江西饒南道叅議王錕為

廣西按察司付使久巡府江道刑部郎中武全文  
為陝西按察司僉事久巡關西道兵部郎中劉瀾  
為福建按察司僉事久巡建南道刑部郎中張自  
涇為山西按察司僉事寧武兵備道

戊戌

鄂尔多斯部落耶王巴圖坐不能養孝其母削爵  
以其叔之子台吉碩祿襲職 以故二等精奇尼  
哈番山進弟渾進一等阿達哈、番朱尔堪叔之  
子阿尔杜二等阿達哈、番翁阿代子威闡布三  
等阿達哈、番吴尔東阿子拖羅胡虎納子穆虎

納拖沙喇哈番蕪根子蚌平西王下三等阿達哈  
、番吳友良叔雲各襲職 二等阿思哈、番尚  
堅有罪削其本身所得之罪以其弟蘇拜襲其父  
二等阿達哈、番 以故四子部落一等阿思哈  
、番昂邦子達爾馬察哈尔阿布魯親王下拖沙  
喇哈番梭那穆魏齊僧子噶尔馬塞穆梭各襲職  
鄂尔多斯部落固山貝子沙克查卒以其子固  
魯西希布布襲職 土默特部落鎮国公善巴卒以  
子卓里克圖襲爵

卷一百之十二終

大清世祖體天陰運英睿欽文大德弘功至仁純孝  
章皇章宴錄卷之一百十三

順治十四年十一月己亥朔

遣蘓松提督馬達知還鎮賞貂裘貂帽弓矢鞍馬  
等物

庚子

降左庶子曹本榮右中允宋之繩五級仍以本衙  
門用以其為直隸主考不能覺察同考官作與故  
也

丁丑

喀爾喀部落畢西勒爾喬行弟吳巴什諾顏等貢  
馬宴賚如例 草山東交西道付使周曾發以其  
取下戢盜無術故也

壬寅

上幸南苑

皇第五子長寧生

癸卯

陞四川布政使徐永禎為太常寺卿

甲辰 遣官祭

三皇 和碩簡親王濟渡等遵諭會議私鑄錢為

為首及匠人處斬為從及知情買使監候絞其賣  
錢經紀鋪戶與販和私鑄者責四十板流徙尚  
陽堡總甲十家長知情不首者俱照為首律處斬  
不知者坐失覺察律責四十板徒一年告捕者賞  
銀五十兩該地方官知情者亦照為首處斬不知  
者照失覺察例處久不能覺察者在內五城坊官  
在冰州縣衛所官每起降賊一級掌印兵馬司併  
直省知府直隸州知州每二起降賊一級司道每  
三起降賊一級捕盜同知通判縣吏司典史有捕  
盜責任者照各掌印官例盜運司盜運使照司道

例外司照知府例監場大使照典史例千總守備  
都司照州縣例叅將遊擊付將照司道例從之

乙巳

諭禮部曰祭祀闕國家大典應用樂器尤所以感  
格人明必精美完好始足肅將誠悃朕現近近來  
各壇廟所用其中尚有敝壞非朕祇事

天地

祖宗

社稷及致敬古帝王聖賢之意尔部即詳行察驗應  
加修整者節次開列奏請以便自修理換給

丙午

諭宗人府曰國家倚毗諸王共襄治理德業既懋  
名爵宜崇掌宗人府事安郡王岳樂性行端良蒞  
事敬慎應晉封親王爾衙門即傳諭禮部行冊封  
禮

丁未

遣官諭祭一寺精奇尼哈番阿喇納 工部左侍  
郎孫肇興引羊乞休命以原官致仕

戊申

諭工部曰

上帝壇

奉先殿不日告成在事官役勤勞可嘉應加敘賞爾

部即察明職名及在二月日來奏

已酉

諭禮部曰國家登進才良特設科目關係甚重况  
京闈乃天下規瞻必典試各官皆天公天慎炭絕  
弊竇遴選真才始不辱求賢大典今年順天鄉試  
故榜之後物訛沸騰同考李振勳等中式奉人田  
耜等賄賂關節已經審實正法其餘中式各卷豈  
皆文理平通又無情弊爾部即將今年順天鄉試

中式舉人速傳來京候朕親行覆試不許遲延規  
避

庚戌

免江西龍泉太和吉水萬安永豐崇仁夾江新喻  
等八縣本年水災額賦 河南巡撫亢得時疏奉  
節婦歸德府寧陵縣儒童張鵠妻張氏年十九鵠  
死抗孤志本六十二而死復撫四孫俱成立守節  
八十一年柘城縣民張立彩妻王氏年十九立彩  
故張立彩妻任氏年二十二世彪故与寡姑李氏  
氏相守以終餘年王氏守節四十六年任氏守節

四十一年李氏守節六十七年烈婦開封府沈氏  
孫程之瑾妻孫氏夫故氏自縊死請照例旌表下  
所司議

辛亥

湖廣巡撫張長庚疏報順治十三十四兩年墾田  
共八千三百七十五頃二十八畝有奇

癸丑

陞工科給事中姚廷啟為戶科右給事中吏科給  
事中朱紹鳳為刑科右給事中陞河南右布政  
司楊思聖為四川布政使司左布政使陝西右布

政使王第魁為江西布政使司左布政使廣東潮  
州府知府黃廷猷為山東按察司付使充西共巡  
道降補原任江南江寧道付使張思明為江西布  
政使司叅議分守饒南道

甲寅

賜親王以下貝子以上玲瓏佩刀各一陞正白  
旗烏真超哈固山牛录章京額晉固為甲喇章京

乙卯 冬至祀

天於

圜丘遣公愛星阿行礼 遣官祭

福陵

昭陵

四祖陵 礼部左侍郎薛所蘊以原官致仕以臺臣

高尔位劾其年老哀庸故也 裁湖廣衡州衛宜

童所

丙辰

免行冬至慶賀礼

丁巳

諭礼部曰覆試今年順天鄉試中式奉人已有諭

旨如有托故規避不肯就試即革去奉人為民永

不許應改仍提解來京炭寃規避之由尔部再

速行傳飭 陞正藍旗牛录章京宜尔為擺牙

喇甲喇章京 江寧巡按劉宗韓疏振庠鳳寺府

開墾荒田三千餘頃

戊午

免直隸霸薊安冀晉趙定七州寶坻縣新安城雄

保定文安大臣固安永清東安玉田豐潤行唐寧

晉平山新樂栢鄉贊皇任丘阜城二十一縣保安

左右神武三衛及梁城所本年雹灾額賦

己未

遣官諭祭科爾沁國二等台吉巴雅思護四子部  
落三等台吉顧祿

辛酉

寧南靖寇大將軍固山額真宗室羅託等奏報臣  
等至荊州宣布

皇上德意偽將多欲投誠遣兵隨奪取心潭口往巴  
新渡口於是偽總兵田國欽黃世奎鄒基昌等及  
賊渠孫可望標下偽總兵趙世超付將趙三才相  
繼來降章下所司  
屯戍

偏沅巡撫袁廓宇奏報偽秦王孫可望與李定國不  
協與兵相攻為定國所敗因遣其偽將程万里等赴  
中踏鎮臣李茹春右踏鎮臣王平軍前投誠仍請其  
復誓可望行至沙子嶺為偽總兵楊武追襲幾殆我  
兵馳援賊可駭散可望因得乘間攜其妻子來歸計  
降偽總兵都督二十二員偽太僕寺卿一員偽付奉  
遊等一百餘員偽內官一十二員兵丁家口五百餘  
名馬騾五百餘匹疏下所司 削固山貝子吞齊哈  
爵先是宗人府劾吞齊哈疏言吞齊哈曾奏欲于十  
月初四日隨和碩簡親王出遊有旨不允凡遇朝期

輒稱疾不出及初四日

駕幸南苑又托疾不朝既可隨和碩簡親王出遊  
駕出何故不朝應行議處

上是之命疾行議處于是宗人府覆議吞齊哈不係  
應隨和碩簡親王之人而欲從之遊罪一原非真  
疾乃屢托疾不朝反行巧辯罪一回不准隨和碩  
簡親王出遊不遂其意

駕出故不肯朝乘間偷安輕忽朝儀罪一應削爵奪  
其所屬人員察為散宗室從之

癸亥

工科給事中陰應節疏糾江南主考方猷等弊竇  
多榜發後士子忿其不公哭文廟毆簾官物毀沸  
騰其彰著者如取中方章鉞章鉞係少詹事方拱  
乾第五子懸咸亨咸膏茂之弟与猶朕宗有素乃  
乘机恣弊冒濫賢書請

皇上立賜提究嚴訊以正國憲重大典得旨據奏南  
闈情弊多端物議沸騰方猶等經朕面諭敢如此  
好生可恶方猶錢開宗併同考試官都着革了職  
并中式舉人方章鉞刑部差的當員役速拿來京  
爰行詳審本內所奏情事及闈中一切弊竇着即

廷佐速行矣察明白將人犯拿解刑部方拱乾着  
明白回奏 刑科給事中蔣胤修疏劾太僕寺少  
卿匡蘭馨狗從伊子匡貞與与致送海時行兵丁  
五逮之往來蘭馨為贖金覓寓面在京師賊情未  
覺不行出首賊情已覺不行檢拿卿貳何賊輩敢  
何地隱賊何情相已私而懷二心請勅矣究下吏  
部察議 復杜尔白原官

乙丑

大學士劉正宗請假回籍治其兄正衡喪許之

丙寅

陞山西按察使徐來麟為河南布政使司右布政  
使山東按察使朱衣助為陝西布政使司右布政  
使刑部郎中霍炳為江南按察司僉事淮海道  
大霧色青白

十二月己巳朔

起補原任侍讀學士石申為內翰林弘文院侍讀  
學士以湖廣陣亡都司周良三弟良策李興龍子  
鼎麟各襲拖沙喇哈番 予湖廣陣亡校誠付將  
周大道祭瘞如例 吏部覆大學士管吏部尚書  
事王永吉疏凡部院無前程漢啟心郎付理官考

滿稱賊係固山下者應陞轉部院理官係包衣牛  
录者應遇各衙門不係固山下理事官缺与固山  
下漢啟心即付理官一併酌量陞轉報可 喀尔  
喀部落土謝岳汗下完書克諾顏寺貢馬宴賚如  
例

壬申

諭內三院曰日講官侍朕左右以倫朕顧問應增  
設多員史大成劉芳燭田逢吉馮源濟曹申吉沈  
世奕綦汝楫節鍾麟党以讓項景襄俱着充日講  
官 裁諸王教習官 定礼部錢糧考成則例并

縣官欠七分者降職四級欠八分者降職五級布  
政使知府直隸州知州欠八分降職四級欠九分  
者降職五級俱戴罪督催完日開復 定兵部馬  
價成考則例縣官欠七分者降職三級欠八分者  
降職四級布政使知府直隸州知州欠八分者降  
職三級欠九分降職四級俱戴罪督催完日開復  
刑科右給事中朱紹鳳劾河南主考官黃鈺丁  
澎進呈試錄四書三篇皆由已作不用闈墨有違  
定例而鈺服官素著穢声出都之日噴有流言及  
入闈又挾持銓曹恣取供應請勅部分別處分詔

刑戮賊族拿察究丁澎并革職察議 先是吳明  
炫與湯若望爭辨水星伏見

上命內大臣公受星阿及各部院大臣同登觀臺測  
驗水星不見下法司議罪坐明炫以奏事上書詐  
不以寔律罪應絞會赦免之

癸酉

諭兵部曰經畧輔臣洪疇前已有旨准解回京調  
理近聞病已痊愈仍着由原任管事親統所屬官  
兵同寧南靖寇大將軍固山額真宗室羅託等由  
湖廣前進相機收取貴州 免江西新建豐城二

縣本年水災額賦

甲戌

陞廣西桂平道叅政王道賓為山東按察使司按  
察使陝西苑馬寺卿卞三元為山西按察使司按  
察使戶部郎中秦仁管為廣西按察司付使賓州  
兵備道 固山貝子佛克齊庫薨謚介潔 勅諭  
新臣孫可望朕惟帝王統御天下必思遐迩生民  
各得其所故當輿圖未歸念切輶連不憚繕我甲  
兵遠伸天討若肯革心向化即嘉其慕義示不眩  
推心置腹廣稟載無外之仁矧十餘年來阻在南

服聊為自固之計未悉我國家寬仁大度宥過拓  
降自開創以來凡有悔罪投誠納土歸命者不特  
捨其既往抑且優加封爵極其富貴天下所共聞  
者久矣今卿衆率携家乘機來歸知卿處心積慮  
向化有年即此一旦翻然便為讖時俊傑一聞疆  
臣馳奏朕深為忻悅遂特封卿為義王以示眷酬  
應有印勅已命所司鑄造近臣賫送外茲遣專官  
先行勅諭宣朕注念至意卿宜祇遵以俟寵命

乙亥

詹事府少詹事方拱乾回奏疏言臣籍江南與主

考方猷後未同宗故臣子章鉞不在迴避之例有  
丁亥己丑甲午三科齒錄可據下所司察議

丁丑

兵部覆浙閩總督李率奏疏議設福建福寧州總  
兵一員以泉州鎮標兵一千名歸福寧鎮標統轄  
其將領守官均照營制增設從之 吏部議順天  
主考曾本崇宗之純以同考官二員互閱春秋禮  
記有違定例應革職

上以其侍從講幄日久寬宥之 夜月生暈

戊寅 卯刻大霧霜附草木

旌表節婦河南寧陵縣儒士張鵠妻張氏柘城縣  
民張世彩妻王氏張士彪妻任氏烈婦河南沈丘  
縣民程之瑾妻孫氏給銀建坊如例 兵科給事  
中尚九遷疏劾江寧巡撫張中元所荐陸貽吉于  
訛或以言事降調或以行賄正法荐奉非人宜正  
連坐之罪下所司察議

巳卯

轉禮部右侍郎李奭崇為本部左侍郎 以內翰  
林圀史院學士楊運昌為禮部右侍郎

庚辰

順天巡按胡秉忠疏舉孝婦武清縣民任鼎銘妻  
翻氏任鼎銘妻李氏各割股調藥以療翁病一門  
雙孝里人稱之節婦廣宗縣民和承業妻趙氏夫  
歿時囑氏乳幼子教歲而改適氏引刀刺血誓必  
同穴守節歷五十餘年孝子完縣民王學詩幼孤  
家貧力傭以營父葬母病為禱天割股和藥以進  
母病立愈請照例旌表章下所司 通政使司通  
政使劉令譽卒

壬午

浙江駐防梅勒章京吳汝玠以老病休致 予福

建州難都司俞書管遊擊事劉天祐祭葬如例  
祭未

諭兵部曰向回孫可望李定國苛竊於滇黔負固  
不服勤兵討禦勤抚兼施原為救民于水火今賊  
李定國與孫可望互相爭戰可望携家東歸覽其  
來奏情詞懇切獨能識時潔身于潛亂之群即此  
一旦維新便當捨其邪往且與所動衆深軫勞民  
即遠在遐方孰非朕之赤子茲乃不煩兵威自獻  
悃忱殊可忻悅民特封為義王以昭朕柔遠寧民  
至意尔部通行傳知 勅諭義王孫可望前經畧

輔臣奏王慕義向化朕心深為嘉悅特封為義王  
遣官賫勅先行諭知茲覽來奏當明季喪亡之際  
收拾士民訓養兵卒期保所得地土原非篡奪之  
可比心事較然久明諒王久阻歸誠亦特震揖兵  
威初非抗拒至于所用之人橫逞不馴假借名號  
煽誘逞党反攻內擊似此所為惡既狹制其主毒  
心毒加于民不但有負于王抑且悖違

天道朕夙以奉

天討罪救民水火為心已命所司選將練兵大張獲  
伐以快滇黔兆民東籟之願庶慰王去順効順之

忱矣 勅諭平西王吳三桂固山額真侯墨勒根  
蝦賊煽亂雲貴騷擾地方已久今賊李定國與孫  
可望互相爭戰可望來降乘此賊黨內亂人心未  
定之際特命王為平西大將軍同固山額真侯墨  
勒根蝦統兵進討爾等統領所屬官兵及漢中四  
川各官兵由四川前往貴州相機進取凡事王與  
固山額真會議而行毋執己見不謀而動毋謂兵  
強輕視逆寇仍須偵探勿致疎虞抗拒不順者戮  
之有先被賊脅從大兵一至即時投降者俱免誅  
戮有能擒殺賊渠殺誠者俱與分別陞賞惟期安

民須戒禁兵將申明紀律凡歸順良民毋得擾害  
務俾朕定亂救民至意至漢中四川仍酌量由兵  
防守其行間將領功績及重罪俱察寔記明彙奏  
各官有犯小過者當即處分至于久得撥什庫十  
長以下無論大小罪過俱商酌從輕處分務期水  
恥貴州勦蕩逆寇地方平定之後具奏俟旨爾等  
受茲重任宜益殫竭心力早奏膚功欽此 勅諭  
固山額真趙布泰等逆賊煽亂雲貴騷擾地方已  
久今賊李定國與孫可望互相爭戰可望來降乘  
此賊黨內亂人心未定之際特命爾趙布泰為征

南將軍統兵進討爾統額前去官兵並提督線因  
安標下官兵及湖南調發官兵由廣西前往貴州  
相機進取凡事與提督線因安梅勒章京富喀莽  
古圖等會議而行毋謂自知不聽人言毋謂兵強  
輕視逆寇仍狡偵探勿致疎虞抗拒不順者戮之  
有先被賊脅從大兵一至即來投降者俱免誅戮  
有能擒殺賊渠投誠者俱與久別陞賞惟期安民  
須嚴禁兵將申明紀律凡事順良民毋得擾害務  
體朕定亂安民至意其行間將領功罪俱察實紀  
明彙奏有犯小過者當即處分至于久得撥庫十

長以下除死罪外其餘大小罪過俱與衆將商酌  
徑行處分務期收取貴州勦蕩逆寇平定地方之  
後具奏俟旨爾受茲重任宜益殫竭心力早奏虜  
功欽此 勅諭固山額真宗室羅託固山額真濟  
世哈逆賊煽亂雲貴騷擾地方已久今賊李定因  
與孫可望互相爭戰可望來降乘此賊党内亂人  
心未定之際特命爾宗室羅託為寧南靖寇大將  
軍同固山額真濟世哈統兵進討爾等統領官兵  
及經畧調去官兵由湖南前往貴州相機進取凡  
事與固山額真特津佟六十蘇章京鄂萬等會議

而行毋謂自知不所人言毋謂兵強輕視逞寇仍  
矣偵探勿致疎虞抗拒不順者戮之有先被賊脅  
從大兵一至即時迎降俱免誅戮有能擒殺賊渠  
投誠者俱與久別陞賞惟期安民須矣禁兵將申  
明紀律凡歸順人民毋得擾害務本朕定亂救民  
至意至經畧輔臣洪承疇或應與大兵同行或應  
尾大兵之後已令其相機定奪如同大兵前注亦  
與經畧會議而行其行間將領功罪俱察寔紀明  
彙奏有犯小過者即當處分至于久得撥什庫什  
長以下除死罪外其餘大小罪過俱與衆將商酌

往行處分務期收貶貢州勦蕩逆啟地方平定後  
其奏侯旨爾受茲重任宜益殫竭心力早奏膚功  
欽哉

丙戌

以正紅旗阿達哈、番色爾顧倫為甲喇章京正  
黃旗理事官喀威藍為擺牙喇章京 陞山東提  
學道俞事戴京曾為大理寺、丞 陞湖廣按察  
使郭鳴鳳為福建布政使司右政使 華太僕寺  
少卿直蘭馨取下刑部察議 寧南靖寇大將軍  
固山額真宗室羅託等疏報偽提兵譚心傳等率

為官十餘員家屬二千餘口來降下所司察叙  
遣固山額真濟吉哈率梅勒章京四員擺牙喇甲  
喇章京八員前赴寧南靖寇大將軍宗室羅託軍  
前各賜裘一弓一 賞義王孫可望賚奏摠兵官  
程萬里衣帽腰刀帶靴銀兩等物

丁亥

宗人府疏議郡王以上有大罪赴衙門審問小罪  
就其府第問之貝勒以下俱赴衙門審問報可

戊子

轉工部右侍郎林起龍為本部右侍郎

辛卯

刑部右侍郎李藻卒

甲午

諭禮部曰

皇太后聖體違和荷

天

地

祖宗

社稷眷祐今已康寧朕心欣慶應躬詣

園丘

方澤

太廟

社稷壇行告謝礼尔部作速捧吉來奏

丙申

諭戶部曰

皇太后聖體違和今已大豫朕心甚為欣慰八旗及  
畿輔人民應加恩賚以洽歡心茲發內帑銀十萬  
兩一半給八旗兵丁一半遣官賑濟畿輔貧民尔  
部即遵諭行 遣內翰林弘文院學士加一級麻  
勒吉為正使礼部尚書兼翰林秘書院學士仍在

內院辦事加一級胡兆龍礼部右侍郎加一級和  
徹白為付使賚勒印封孫可望為義王冊文曰向  
化抒誠號識時之後傑封藩錫土昭勵立之旂常  
來歸既献乎輿圖懋賞斯隆夫帶砺咨尔新歸臣  
孫可望才能乘勢智裕擇君雖云身在南荒十餘  
年稱戈負固寔則志依北闕茲一旦率眾投誠携  
尔室家足信瞻雲就日統厥士馬真為出谷迂喬  
于朝廷招降抚順之仁遠相允合豈國家厚祿崇  
階之典肯勒弘施本分維彰朕心嘉悅是用封尔  
為義王於戲祇承寵渥流芳譽於千秋益薦忠貞

竟茂勳於一統欽哉無斁 歲暮享

太廟遣內大臣公受星阿汗禮 遣官祭太歲月將

之神

丁酉

諭吏部曰

皇太后聖體違和朕晨昏省侍熬拜等近侍護衛晝  
夜勤勞食息不暇朕所親見今

皇太后聖體康豫中外騰雝拜等同朕省侍勤勞  
罔懈深可嘉悅宜分別加陞以示鼓勵熬拜過必  
隆已哈費揚古俱加少傅太子太傅蘇克薩哈加

太子太保通義加一級一等蝦他達阿舒賈布家  
喇哈達羅博忒墨爾格申阿木虎郎甲喇章京吳  
沙科岳爾圖二等蝦拜思哈富爾虎班第杭奇費  
業倫莫爾渾諾莫察庫俱各加一級祝師辛塔石  
授拜他喇布勒哈番去龔醫官雷鳴德方文英劉  
國棟張希瓚俱各加一級祝去遇加太常寺卿仍  
管太醫院吏目事武超衆授拖沙喇哈番壯大吳  
喀達素達多祐司膳阿素巴初爾薩柔格司茶白  
爾屯鄂諾藍翎官吳大禪、布商占巴代喀代噶  
多渾忒門大庫德夫匠綽克陀弓匠朱爾哈達俱

各加一級克爾忒及厨役薩爾吉納馬喇薩爾八  
思奇達布達納茶役薩木哈他奔阿蒙安厄黑里  
鄂齊里德喜陀西土庫收人烏內費言達里王明  
厄參宋果多鑲黃旗擺牙喇穆赫林奕愛吉多薩  
爾祐納葉古德薩納祐正黃旗擺牙喇格本舒大  
布魯新台洪科三塔哈文多順正白旗擺牙喇殷  
德里穆里庫喀齊納馬喇漢濟海俱授壯大品級  
爾部即遵諭行 是歲人丁戶口一千八百六十  
一万一千九百九十六田地山蕩四百九十六万  
三百九十八頃三十畝畦地二万二千六百四十

三個徵銀二千四百二十六万六千三百六十五  
兩七錢有奇米麥豆五百八十三万五千九百四  
十石六斗有奇草二百二十三万二千九百四十  
七束中茶八万五千五百一十篋行鹽四百七十  
五万九十一引徵課銀二百五十二万六千四十  
五兩五錢有奇鑄種錢二十三万四千八十七万  
八百一十六銅錢二十万一千二百一十有奇鈔  
一十二万八千一百七十二貫四百七十有奇

卷  
一  
百  
十  
三  
終



